

compuncti, ueluti carbones mortui reuiuiscant. **Vt** ergo nos instantum perfectos faciat, ut nō solum nosipos, sed & alios acquiramus ad uitam, inimicis non solum uicē reddere prohibet dominus per Salomonem, uerum etiā humanitate ad amicitiam prouocare hortatur. **(Noli uinci à malo, sed uince in bono malum.)** Hæc interpretatione apostoli est cohortantis, ne uicem reddamus inimicis, sicut dictum est. Multum enim proderit nobis, si malicie cedamus. **Vincit enim malum, qui ad tempus uinci uidetur ab illo.** Et saluator enim sic uicit malum dum non restitit. **Contra se enim agit malicia, & dum uincitur, uincere se putat.** Id em̄ agit inimicus, & ut nos de proposito nostro abstrahat, occasionem querens quo modo peccemus. Ideo si prouocati ab illo, uicem illi nō reddamus, uincimus illum in bono. **Ideo enim non resistimus ut bonum seruemus neglecta iusticia, quia cogit iusticia ad retribuendum.**

CAP VT X III.

Mnibus potestatis sublimioribus subditi estote. Nō est enim potestas nisi à deo.) Quoniam celestis iusticię legem sequendā mandauit, ne ab hac præsentि dissimulare uideretur, hanc commendat. Quippe cum nisi hæc fuerit obseruata, illa custodiri nō possit: hæc enim quasi pædagogus est quæ paruulos imbut, ut possint potioris iusticię uiam sequi. Nemini em̄ potest imputari misericordia, nisi haberet iusticiā. **Vt ergo ius & timorem legis naturalis confirmet, deum autorem eius testatur, & ministrantes eam dei ordinacionem habere:** Ideo adiecit: **Quæ autem sunt, à deo ordinata sunt.**) **Vt nemo putet quasi humana commenta contemnenda:** Vident enim ius diuinum humanis autoritatibus deputatum. **Hic ergo subiectus est potestati, qui se terrore dei ab his abstinet quæ prohibet.** **Itaq; qui resistit potestati, dei ordinationi resistit.**) **Hec contra istos qui**

qui per potentiam fortē, aut quia aliquid deprehendit se posse non credunt, & per hoc illudere se legem putat: Ostendit his dei esse legem, & non euasuros iudiciū dei, quia ad tempus aliquo pactō euadunt. ¶ Qui autem resistunt, ipsi sibi damnationem acquirunt.) Manifestū est, quia unusquisque operibus suis aut iustificabitur aut condemnabitur. Qui enim audientes legem peccant inexcusabiles sunt. ¶ Nam qui principiantur nō sunt timori bonis operibus sed malis.) Principes hos reges dicit qui propter corrigendam uitam & prohibenda aduersa creantur, dei habentes imaginem, ut sub uno sint ceteri. ¶ Vis autem nō timere potestatem: Bonum facito & habebis laudem ex illa.) Laus ex potestate tūc surgit, cum quis innocens inuenitur. ¶ Dei enim minister est tibi in bono.) Manifestū est ideo rectores datos ne malum fiat. ¶ Si enim maleficeris time, non enim sine causa gladiū portat.) Hoc est, ideo comminatur ut si fuerit contemptus uindicet. ¶ Dei enim minister est, uindex in irā in eum qui male agit.) Quoniam futurum iudicium deus statuit, & nullū perire uult hoc in seculo rectores ordinavit, ut terrore interposito omnibus uelut pædagogī sint, ne in pœna incident futuri iudicij. ¶ Ideoque subditi estote, non solum propter iram, sed etiam propter conscientiam.) Recte dicit subiectos esse debere non solum propter iram, id est, ultionem presentem, Parit enim irā uindictam: sed & propter futurum iudicium, quia si hic euaserint, illic eos pœna expectat, ubi accusante conscientia ipsa punientur. ¶ Nam idcirco tributa penditis. Ministri enim dei sunt in hoc ipso seruietes.) Ideo dicit tributa præstari, uel quæ dicuntur fiscalia, ut subiectiōnem præsent per quam sciant non se esse liberos, sed sub potestate degere, quæ ex deo est. Principi enim suo qui uitam dei agit, sicut dicit Daniel propheta. Dei est enim inquit, regnum, & cui uult dabit illud. Vnde & dominus: Reddite ait, quæ sunt cœsaris cœsari. Huic ergo subiectiōni sunt sicut deo, cuius subiectiōnis probatio hęc est, cum illi pendunt tributa.

Mat. 11

K 2 Red.

Redite ergo omnibus debita.) Reddi uult ab omnibus debita, quia & potentes sunt debitores minoribus, ut respondeant meritis illorū. ¶ Cui tributum, tributum, cui uectigal, uectigal.) Primum ea quæ sunt potestati regiæ debita exolu iubet, quia maior in his causa aut necessitas est. ¶ Cui timorem, timorem.) Timorem potestati exhibendum, quia timor prohibet peccatū, deinde aut parenti aut domino terreno, ut gratias agat in filio aut seruo Christiano. ¶ Cui honore, honorem.) Potest hic honor etiā circa eos esse qui sublimes uidentur in mundo, ut uidentes humilitatem seruorum Christi, laudent magis quam uituperent euangelicā disciplinam. ¶ Nemini quicquā debeat is nisi ut inuicē diligatis.) Pacē uult nos habere si fieri potest cum omnibus dilectionem uero cum fratribus, & hanc tamen honore seruato. Idcirco autē debitores dicit, quia homini qui dignus honore est, siue præsente siue futuro, dignum esset debitum inclinari. Illi enim quis inclinatur à quo honorem accepit, ideo debitor dicitur. Si enim non hoc feceris principi tuo superbus es, aut enim merito quis aut ætate honorandus est. ¶ Qui enim diligit proximum, legem impleuit.) Legē datam à Moysē implet qui diligit proximum, nam nouæ legis mandatum est etiam inimicos diligere. ¶ Nam non adulterabis, nō occides, non fraberis, non concupisces.) Hoc Moyses scriptum accepit à deo, ad reformationem legis naturalis. ¶ Et si quod est aliud mandatū in hoc uerbo consummatur, diliges proximum tuum sicut te ipsum.) Hoc scriptum est in Leuitico, manentibus supra dictis mandatis. Itaque in dilectione impleri legem significat, sicut dixit, ac si sint alia mandata quæ nunc tacuit, tamen pro oībus mādaris dīlectio satisfacit. Nam si se humanum genus ab initio dilexisset, iniquitas in terris non esset. Exordium enim iniusticiæ discordia est, ideoq; iniquitatis dilectio iniquitas est, quia quod malo malum est, bono bonum est. ¶ Dilectio proximi malum non operatur. Plenitudo enim legis est dilectio.) Malum non operatur quia bo-

Deut.

Ina

na est dilectio, nec peccare potest illa quæ legis est perfectio: per legis uerba ad sensum euangelicum peruenit. Ideo enim quod summum est legis memorat, ut huic euangelium societ, ostendens unius esse sensum autoris. Sed quia tempore Christi addi aliquid oportuit, non solum proximos, sed inimicos diligere precepit. Vnde subditur: Plenitudo legis est dilectio, ut iusticia sit diligere proximum, abundans uero & perfecta iusticia etiam inimicos diligere. Inimicum autem diligere quid aliud est, quam optare desinere illum ab odio, & nihil asperum petere aduersus illum, hoc est amare illum, ea illi optare per quæ deum habeat propitium: hæc est caelstis iustitia, hæc deo patri similes facit, quæ non colentibus se annua dona largitur. Nam & dominus in cruce positus postulat pro inimicis, ut plenitudinem iusticiæ quam docuerat demonstraret.

Et hoc scientes tempus, quoniam hora est iam nos de somno surgere.) Tempus esse dicit quo ad meritum proficere debeamus, hoc est de somno surgere operari bonum, quasi in die, hoc est, palam. Illicita enim in nocte, id est, in abscondito fiunt. Iam enim in manifestatione positi, quod est in noticia dei, agnoscentes quid sequi debeamus, dare operam debemus, ut pure uiuentes ad promissum præmium ueniamus excusso somno, id est ignorantia siue negligentia. Propriorem nunc nostra salus quam cum credidimus.) Manifestum est, quia post lauacrum bene uiuentes & charitati studentes, non longe sunt à merito resurrectionis promissa. Bona enim uita Christiani, signum est salutis futuræ. Nox præcessit, dies autem appropinquauit.) Noctem ueterem hominem significauit, qui per baptismum innouatus est. Huc præcessisse dicit quasi noctem, diem autem appropinquaesse cuius lumine ueritas nobis apparuit, ut sciremus quid agere deberemus. Prius enim ignorantes Christum in tenebris eramus, at ubi didicimus lux nobis orta est, transiimus enim ex falso ad uerum, q[uod] Abiiciamus ergo opera tenebrarum, & in-

150 **C O M M E N T . D . A M B R O .**

duamur arma lucis.) Tenebrarum sunt opera uita carnalis, quæ illecebris agitur secularibus, hæc digna est nebris sicut dicit dominus. **Tollite illum & ligatis manibus & pedibus, mittite in tenebras exteriores.** Induire arma lucis, gesta sunt bona, quia sicut mali actus tenebris depurantur, quia occulte fiunt, ita & qui bene agunt, palam agunt, quia non uerentur sed gaudent. Boni ergo actus arma lucis sunt impungnantes tenebras quæ sunt uitia carnis. **Sicut in die honeste ambulemus.)** Verum est, ut quia publice non peccatur, sic agamus quomodo agitur publice, nihil enim tam publicum quam ueritas. **¶ Non in comedationibus aut ebrieratibus.)** Comedationes sunt luxuriosa conuiua, quæ aut collatione omnium celebrantur, aut uicibus solent à contubernialibus exhiberi, ut neminem illic pudeat aliquid in honeste dicere aut facere, quia unusquisque præsumit quod suum conuiuum sit. Solent enim in aliena mensa pudore coerceri, sed hic ad hoc conuenitur, ut fœda illic gerantur copia uini, & incitetur libidinis diuersa uoluptas. Idcirco euitanda præcipit huiuscemodi conuiua. **¶ Non in cubilibus & impudicitijs.)** Post luxuriosum conuiuum & ebrietatem hoc subiecit quod sequitur, id est, concubitus impudicus. **Noc** genus huius lascivitatis est fructus. **¶ Non in contentione & æmulatione.)** Recte ab his coerceri monet, quia omnis contentio & zelus inimicitias parit, quas tenebras uocat, quia ad lucis præmium peruenire non possunt. **¶ Sed induite dominum Iesum Christum.**

Et carnis curam ne feceritis in desiderijs.) Curam carnis prohibet, id est, uoluptate, ut omne quod prohibetur per legem non desideretur, aut certe desideratum uincatur. Ipsa sunt enim opera carnis, ut his exuti induant dominum Iesum Christum, id est, innouari per Christum, ab his malis se retineat. Hic enim induit Christum qui se ab omni errore & turpitudine separauerit, ne in conuiuio nuptiarum sine ueste eius inuentus turpiter abiectus tenebris mancipetur; si quo mi-

DUS